

PÊWÎSTE JINA KURD XWE JI FELSEFEYA "BINDESTÎ ÇARENÛS A MIN E" RIZAGAR BIKE

Ferha Yûsif

Em jin darê şkestîne! Ma, çi ji destê me tê? Ji roja roj de, gotin ya zelumê.", "Em qels in! Hêz hemû ya mêr e!", "Xwedê qedera me wisa nivîsiye.", "Ez nikarim bê bav û zelum û birayên xwe biryarekê bidim" û hwd. Jina kurd, roj nîne wek van gotinan di jiyana rojane de, neyîne ziman. Ji ber ku ev dîtin bûye awir û nêrîneke jina kurd ji jiyane re.

Lê, di rastiya pirsgerêka jinê de zelum e, dagirkerî û felsefa îdealîstî jin "heft qatan" kiriye bin erdê. Zilam bi xwe jî bindest e. Jin jî, ji du aliyan ve, vê bindestiyê dijî. Ji aliyê ve bindestiya neyar û ji aliyê din ve bindestiya zelum. Anku, jin di nava du agirên de, tê şewitandin. Sedemên vê yekê: civakî, siyasî, aborî, felsefî û bandora dagirkerên Kurdistanê ne.

Bi taybetî, bindestiya jina kurd di nava malbatê de, xweş diyare. Di hemû warê jiyane de, bindestiya jinê di nav malbat de, derdikeve pêş. Hiş, vîn, hest û giyana wê bi

zelumên malbatê ve girêdayî ye. Her çendî li herêma Kurdistanê gavnên giring ber bi azadiyê ve hatine avêtin jî, lê ev nabe bersiva rizgariya jinê.

Ji aliyê din ve, jina kurd rizgariya xwe di sorkirina lêvan de, li xwe kirina cilan û xwe xemilandina bi zêran ve dibîne. Cilan li xwe bike, li gorî dilê xwe, xwe bixemilîne, xwe xweşik bike. Lê, biryara jiyana te kî dide? Tu di hişê xwe de çiqasî azadî? Heta kîjan pileyê tu nûneritiya xwe dikî? Tu tevî hilberîne dibî? Ev pirs û bersivdayîna van pirsan rastiya jina kurd datîne ber çavên me.

Di dawiyê de, dixwazim bibêjim: Pêwîste jina kurd tekoşîneke bêhempa li dijî felsefeya "Bindestî qedera min e" bide. Û berê xwe bide rastiya jinê a destpêkê, xwedî li jiyana xwe derkeve û ew jî bibe xwedî hêza biryarê. Ji bo pêkanîna vê armanca pîroz jî, divê di her warê de xwe perwerde bike û perwerdeyê bo xwe, wek pêdiviya nan û av, bizanibe.

